

明紅絲
欄鈔本

百

家

詞



貞居詞目錄

摸魚兒一首

蘇武慢一首

賀新郎一首

木蘭花慢三首

瑤花慢一首

百字令一首

金縷曲一首

宴山亭一首

八聲甘州一首

燭影搖紅一首

石州慢一首

水調歌頭一首

滿庭芳一首

滿江紅二首

獅兒詞一首

望梅花一首

踏莎行一首

南鄉子一首

蝶戀花一首

浪淘沙一首

茅山逢故人一首

殿前歡 一首

早春怨 一首

如梦令 三首

喜春來 一首

漁父詞 二首

蝶戀花 二首

木蘭花慢 二首

摸魚兒 一首

水調歌頭 二首

滿庭芳 一首

踏莎行 一首

風入松 一首

朝中措 一首

太常引 二首

定風波 一首

憶秦娥 二首

水龍吟 一首

梧葉兒 一首

鷓鴣天 一首

貞居詞目錄畢

貞居詞

句曲張天雨伯雨

摸魚兒

雙蓮一榦爲人折去仲舉邀予賦之

問凌波並頭私語夜涼誰共料理柔情早被鴛鴦妬
怕擊水晶如意香旖旎待微雨清塵略爲新妝洗騷
辭漫擬木末芙蓉同心輕絕未說已先醉

空折損又墮偷香夢裡藕絲不斷新脆吳娃小艇無
蹤跡也恠半池萍碎還略記是月冷鷗眠鷺宿曾驚
起高荷恨倚搃回首西風露盤傾瀉清淚如鉛水

蘇武慢

至正八年夏和虞道園

清露晨流新桐初引消受此窗涼曉經卷薰爐筆床
茶具長物恁他圍繞老子無情年光有限只似木人
花鳥擬凝雲數朶奇峯曾見漢唐池沼
還自嘆待老學鱣魚金題玉躡書裏也容身了阿對
泉頭布衣無恙占斷雨苔風篠獨鶴歸來西山缺處
掠過亂鴉林表無琴心三疊胎仙坐到月高山小

賀新郎

戲次仲舉韻

金屋書中有爲錢塘佳麗待尋歡偶記得朝雲前日
夢伏事東坡最久且不是郡無官守日日湖中公事
了更成園妓女隨車後翁兩鬢禿如帚老來莫負簪
花手比佳人難得靈芝三秀此夕燈花何太喜便用

買紅纏酒摧看箇肩輿迎取有子平生千萬足看明
年墮地於菟走挂冠去學疏受

木蘭花慢

已未十月十七日壽溪月真人

試瑤臺借雪春意早滿林巒笑東老殷勤能傾家釀
與盡清歡曾因求賢把詔便朗吟盆浦又廬山自愛
西湖烟雨玉鞭分付鸞

神仙官府官容閑樞要在玄關有溪上金鰲月中金
粟長駐鸞顏願似洪厓橘木儘千年遊戲向人間早
晚鳳池書到通明殿上催班

木蘭花慢

和馬昂夫

想桐君山水睡雨聽淋浪記短棹曾經烟村晚渡石
磴飛梁無端故人書尺便夢中顛倒我衣裳此去釣
臺多少小山叢桂秋香

青蒼秀色未渠央臺榭半消亡擬招隱羊裘尋盟鷗
社授老漁鄉何特扁舟到手有一襟風月待平章輸
與浮丘仙伯九臯聲外滄茫

木蘭花慢

秋詞

看秋容漸好一番雨一番涼試點檢吾家小山叢桂
金粟都黃濤江限他吳越便胥魂不似向時狂眼底
龍飛鳳舞夢中狐嘯鵑張

茫茫今古捻堪傷歌罷竟難忘甚老矣嵇生五絃揮

手怕聽清商淵明平生師友白衣人借與我持觴若
問醉翁年紀指渠松拍高岡

瑤花慢

賦雪次仇山村韻

篩冰爲霧屑玉成塵借阿姨風力千岩競秀怎一夜
換作連城之壁先生閉戶恠短日寒催駒隙想平沙
鴻爪戒行似醉時書迹

未隨埋沒雙尖便淡掃蛾眉與闥顏色裁詩白戰驢
背上馱取灞橋吟客撚鬚自笑儘未識諸峯頭白看
洗出宮柳梢頭已借淡黃塗額

百字令

壽玄覽真人次黃一峯韻

橙黃橘綠占一年好景人間真樂玉塵金螯相對峙
如我倪今猶昨珍重留候招邀黃石俱赴蟠桃約一
卮仙酒得倍三老斟酌

捻道獨綰銀章重披宮錦有自家天爵八袞明年身
更健曾次遙天恢廓春小花繁溪清月皎都付延年
樂洞霄仙侶更添一箇仙鶴

金縷曲

四月四日爲王國輔生日作

紅蓮一舸向遊仙
夢裏步虛金闕朝罷香烟携滿袖
初度玳筵重設玉軸琵琶金瓶爲藥都在春風列天
然清貴樵林自愛晴雪

咲說奉母閑居吾非巧宦未信潘郎拙戲引鴛雛香

徑底好在雙珠明月錦繡樓臺燕鶯簾幙垂柳青絲
結金籠放鴿年年飛絮時節

宴山亭

賦楊梅

鶴項朱圖豐肌粟聚寶葉揉藍初洗親剪翠柯遠贈
筠籠脉脉紅泉流齒骨換丹砂笑尚帶儒酸風味誰
記曾問譜西冷綠陰青子

君家幾度尊前摘天上繁星伴人同醉纖手素盤歷
亂殷紅浮沉半壺指水瓊果同時惟醉寫來禽青李
爭似爲越女吳姬染指

八聲甘州

舟次垂虹寄玄洲許道民

柳汧水未浣柰春寒仙風引歸槎渺雲岑天末烟江
雨外猶認芳家獨酌瓦甌蓬底誰與飯胡麻疑聽松
風響水宿蕪葭

天上春愁鶴髮許一菴閑地壞柄雙髻笑清狂無賴
痼疾是烟霞念葛洪移居辛苦甚左郎容易問丹砂
憑傳語空山流水深護桃花

燭影搖光

紅梅

休擊珊瑚怕驚么鳳枝頭睡看花猶自未分明雪在
雪階砌步障齊奴故里儘一幅仙人絳袂研丹吮粉
擬覓生綃芳心難寄
姑射肌膚朝霞散入春風髓石橋冰酒影娥間略約

相逢地錯妬嫣然嫵媚奈兒家天寒翠被碧桃和露
聽徹吹笙綠珠簾墜

石州慢

和黃一峯秋興

落日空城未忝夜深砧杵纔歇恠他蘿薜締衣風露
潤滋涼挾清怨多少只消目送飛鴻五絃已是心悲
咽把酒問青天又中秋時節

聞說謫仙去後何人敢擬酒豪詩傑草草山林還我
舊時明月書帷冷落閑文閑字偏情熱孤負楮先生
有一庭紅葉

水調歌頭

盆荷

江湖渺何許歸興浩無邊忽聞數聲水調令我意悠然莫笑盆池咫尺移得風烟萬頃來傍小窗前稀疎澹紅翠特地向人妍

華峯頭花十丈藕如船那知此中佳趣別是一壺天倒挽碧筩釀酒醉卧綠雲深處雲影自田田夢中呼一葉散髮看書眠

滿庭芳

重九次趙侯韻

湖曲荒烟石林斜日笛聲悽斷山陽孤懷無託只用醉爲鄉回首西風黃落儘輸他松檜青蒼相思處書題新橘還待滿林霜

人生難會合良辰孤負把菊傳觴便三人對月獨自

清狂政爲楚音容谷天遠近鴻鵠高翔空追和陽骨
一曲聊代紫萸囊

滿江紅

開元斗室落成立覽真人命名得月軒
笑向桃花又一番玄都春色彷彿記主家陰洞不多
陳迹竹裏棋枰憎鳥污林間鶴語無人識恠東風遲
暮却歸來寵眉客

溝水漲雲充斥環堵隘花狼籍似石湖魚小酒船寬
窄庭下已生書帶草旁人錯認楊雄宅問青天明月
落誰家無心得

滿江紅

玉簪次班彥功韻

玉尊纖長頓化作雲英香莢風弄影綠鬟撩亂搔頭
斜插璫小還思釵燕並叢幽略比蕉心狹看柔鬢點
綴半開時微烘蠟

冰筴瘦瓊枝滑芳徑底誰偷稻怕夜涼消得錦圍紅
匝鴝管不禁仙露重密脾膵借清香發待使君絕妙
好詞成須彈壓

獅兒詞

賦梅次仇山村韻

含香弄粉便勾引遊騎尋芳城南城北別有西村斷
港冰漸微綠孤山路熟伴老鶴脫先尋宿怕凍損三
花兩蕊寒泉幽谷

幾番花影濯足記歸來醉我雪深平屋春夢無憑鬢

底闌蛾爭撲不如圖画相對展官奴風竹挑黃獨自
聽瓶笙調曲

望梅花

壽師道真人

何處仙家方丈渾連水隔他塵埃放鶴天寬看雲窓
小萬幅丹青圖障憑高望笑掣金鰲人道是蓬萊頂
上

時問葛陂龍杖更準備雪中鶴氅修月吳剛收書東
老消得百壺春釀無盡藏莫傲清閑怕詔起山中宰
相

踏莎行

王叢隱五香圖作圓象墨寫梅蘭水仙山

磬瑞香五品盤屈折枝於其中韓明善有
月上影娥池人在衆香國一聯今予爲易
玄賦之

玉鏡臺前看花如霧交柯接葉無數春寒約住柳絲
圈月明染下方諸露
廬阜神遊湘臯微步玉奴老去羞樊素韓卽解比影
蛾池倩誰摘出香奩句

南鄉子

題李紫篋山居

午枕託冥搜得句棲霞半嶺頭不奈風篁疎雨過颼
颼化蝶飛來爲少畱

石壁倚清秋袖拂烟痕寫遠遊信有平生濠濮想悠